



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1276 Usque Ad Annum 1312

Fleury, Claude

August. Vind. [u.a.], 1766

VD18 90118251

§. 49. Cardinalis Albertini artes.

[urn:nbn:de:hbz:466:1-67012](https://nbn-resolving.org/urn:nbn:de:hbz:466:1-67012)

Secul. XIV.
A. C. 1305.

§. XLIX.

Cardinalis Albertini artes.

Jo. Villani
l. 8. c. 80.
S. Anton.
par. 3. tit. 21.
6. I.

Summa sedes continenter vacabat ob
diffensionem Cardinalium Perusiae hæ-
rentium in conclavi, atque in duas fa-
ctiones prope pares divisorum. Alteri
præerat Matthæus Ruber de Urfinis cum
Francisco Cajetano Papæ Bonifacii ne-
pote: altera sequebatur ductum Napo-
leonis de Urfinis, & Albertini Pratenis
cognatos amicosque suos Columnas in
pristinum statum restituere cogitantium.
Priores Papam Italum & amicis Bo-
nifacii faventem, cæteri Gallum vole-
bant Philippo Regi, & Gibellinorum par-
tibus addictum. Quodam die Cardina-
lis Albertinus cum Francisco Cajetano
privatim agens, Grave malum damnum-
que, inquebat, afferimus Ecclesiæ, dum
Papam non eligimus. Per me non stat,
quo minus id fiat, reposuit alter. Tum
ille: Si artem bonam invenirem, num
contentus esses? Affirmabat iste: & con-
clusio fuit omnis suspicionis devitandæ
gratia alteri factionum eligendos esse
tres Transalpinos ad summam dignita-
tem idoneos; alteri intra quadraginta
dies cooptandum ex his tribus aliquem,
ac illum agnoscendum esse Papam. Car-
dinalis Matthæi sectatores in se suscepto
trium

trium delectu tanquam in rem suam Sæcul. XIV.
A. C. 1305.
 futuro, tres Archiepiscopos transalpi-
 nos, si spectemus Italiam, respectu nostri
 cisalpinos, a Papa Bonifacio creatos, fi-
 deles amicos suos, & Galliæ Regis ad-
 versarii sui inimicos seligebant, quem-
 cunque illorum factio altera cooptaret,
 certo se Papam ad voluntatem suam
 habituros rati.

Fidissimus eis ac primus illorum trium
 erat Bertrandus Degotus Archiepisco-
 pus Burdigalensis, quem Cardinalis
 Albertinus credebat partibus suis aptis-
 simum ad assequendam votorum metam.
 Erat ille quidem cliens Bonifacii, & Gal-
 lorum Regis inimicus ob mala per Ca-
 rolum Valesium in bello Vasconio sibi
 illata; sed Albertino cognitus ut vir am-
 bitiosus, commodisque suis serviens, &
 qui facile cum Rege pacem jungeret. I-
 gitur ejus factio clanculum & scripto
 pacta conflavit sua cum factione alte-
 ra. Deinde hac inscia easdem pactio-
 nes cum litteris ad Regem misit per cur-
 sores fidos a mercatoribus suis sibi sub-
 ministratos & tam properos, ut unde-
 cim dierum spatio Perusia Parisios ve-
 nirent. His litteris orabat Regem, ut
 Archiepiscopum Burdigalensem reciperet
 in gratiam, si reconciliare sibi ipsi Eccle-
 siam, & Columnas amicos suos suble-
 vare

Sæcul. XIV. vare vellet, eoquod eum posset Papam
A.C. 1305. facere.

Rex litteris acceptis lætissimus in-
cepto fervide consilio per epistolam a-
micitiae plenam Archiepiscopo locum
colloqui præstituit, nempe Abbatiam in
silva prope Angeriacum sitam. Illuc
post sex dies Rex furtim modicoque
cum comitatu & Archiepiscopus con-
venere. Cum adfuissent sacro, & im-
positis aræ digitis fidem sibi jurassent, Rex
Præsuli comibus verbis spondit fore,
ut ipsum cum Carolo Valesio reduce-
ret in gratiam. Tum agebat: Est pe-
nes me potestas te faciendi Papam, si ve-
lim: & ideo huc me contuli. Si sex
mihi gratias, quas a te petam, promittis,
hanc dignitatem tibi comparabo. Sub
hæc produxit litteras ad se missas & pæ-
ctum inter duas Cardinalium factiones
initum.

Archiepiscopus lecto utroque scripto
vix præ gaudio sui compos, ad Regis
genua provolutus, Auguste Rex, in-
quiebat, ut nunc video, mihi tantum fa-
ves, quantum nulli alii, & bonum pro
malo reponere vis: jube solummodo
semper obediam tibi. Rex erectum os-
culatus, Audi, agebat, audi sex gratias,
quas a te posco! Prima est, ut mihi Ec-
clesiam perfecte reconcilies, & condo-
nari cures malum, quod Bonifacium ca-
piendo

piendo feci. Altera, ut me ac sectatores meos piorum communioni restituas. Tertia, ut in quinquennium omnes regni mei decimas mihi concedas pro sumptibus in bellum contra Flandros factis. Quarta, ut Papæ Bonifacii memoriam extinguas. Quinta, ut sacram purpuram Jacobo ac Petro Columnis reddas, & quibusdam de amicis meis conferas. Sextam reservo declarandam in tempore ac loco, quippe secretam & ponderosam. Omnes promisit præsul, ac promissum firmavit iurejurando supra SS.corpus Domini Nostri: insuper obsides dedit fratrem ac duos nepotes suos. Vicissim Rex juravit facturum se, ut ille in Papam eligeretur. Postea discessere ut amici optimi: & Rex abduxit obsides per speciem reconciliationis inter Archiepiscopum Carolumque Valesium conficiendæ.

Sæcul XIV.
A.C. 1305.

Clemens V. Papa.

Ut primum Parisios Rex redierat, Cardinali Albertino & factioni ejus perscripsit suum cum Burdigalensi Præsule congressum, atque hunc eligi tuto posse. Res tam bene fuit gesta, ut responsum occultissime Perusiam adveniret triginta quinque dierum spatio. Acceptum